

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LX.

[urn:nbn:de:bsz:31-122751](#)

LIX.

Salutem in Christo Servatore plurimam.

Iteræ tuæ , Reverende & clarissime Domine Doctor , amice & frater plurimum colende, dilectissimeque, per Dominum Episcopum ad me transmissæ, probè mihi sunt redditæ, una cum tribus Orationum, à R. T. D. habitatur exemplaribus, pro quibus Dominus Præpositus, Parens meus & ego summas agimus & habemus gratias; nullam gratitudinis reipsa declarandæ occasionem neglecturi. DEUS Opt. Max. R. T. ad nominis sui sacratissimi gloriam & Ecclesiæ fructuosam ædificationem quam diutissimè conserveret, Amen.

Nova , quæ de Illustrissimo Domino Administratore & Principe Wirtembergico Juniore scripsisti , Illustrissimo meo Principi, (cujus celsitudini literas T. R. secretò communicavi) non displicerunt. Significavit tunc mihi Celsitudo ejus, optare se, ista inter nos secreta permanere, &c. DEUS Opt. M. Vestrae Dignitatis pium & laudabile votum clementer ratum faxit, Amen. Quod superest, Rev. Tuam cum Reverendis Dominis Collegis, in primis clarissimo viro, Domino D. Pappo , divinæ bonitati observanter & obsecranter commendo. Raptim, 19. Octobr. Anno 96.

Parens meus Huberi Confutationem justam jam adornavit, quæ, ut spero, propediem evulgabitur.

Rev. Tua Dign.

observantissimus

Andreas Osiander, D.

LX.

*S. D. Reverende & clarissime Vir, Domine Com-
pater & frater carissime.*

Quas 3. Calend. Januar. exeuntis anni 96. unâ cum prioribus, quas in nondinis Francofortensibus ad me misisti, recte accepi, & pro Orationibus certamina Nestoriana , Eutychiana, Macedoniana, complectentibus officiose gratias ago , ac te illarum editione præclarè de Ecclesia meritum esse judico. Rumor de obitu Cardinalis Lotharingi in Suecia usque penetra-
Eee ee verat,

verat, qui ex tuis literis refutatus est. II. Suecia regno omnia perturbatisima sunt. Comitia Sudercopiæ ante sesquiannum Carolus, regis patruus, qui se Gubernatorem regni nominat, rege Sigismundo non antè consulo indixerat. Inde gravissima offendio regis secula & nomine ordinum totius regni Poloniæ legati in Succiā missi, quorum orationis summam, una cum Suecici responsi capitibus in adjuncta pagella annotavi; quæ cum priore, numerper ad te missa, cui titulus est: Memorabiles aliquot eveniēs anni 1596. cohaeret. Nuptiae sororis Regiæ & Illustrissimi Administratoris vestri ad Cal. Maji proximas, Stockholmii celebrandæ, per regis Sigismundi & Administratoris Magdeburgensis literas, amicis indicatae sunt. Uterque enim senem Principem meum Ulricum Duce Megapolitanum, invitavit. Georgium Rosamingeniosissimum juvenem à me quoq; ad te literas habuisse arbitror, & filiis tuis de tali virtute & studiorum inspectore, fido & industrio, gratulor. Quod monumenta fratris, D. Erasmi, p.m. in lucem edere constituis, pictatem tuam laudo. De Ungaricis & Turcicis rebus meminisse horret animus, hucque refugit, & Ducum nostrorum vanitatem miror, qui post foedissimam fugam tamē Thrasonicè de victoria gloriantur. Ecclesiæ & Academiæ vestre tranquillitatem, quām prædictas, gratulor, & DEUM, ut nos omnes doceat, gubernet ac servet, oro. Benè & feliciter vale. Reverendum & Clariss. Virum, D. Joannem Pappum, Superintendentem vestrum, reverenter saluto. Rostochii. Dominica mulieris Cananeæ, 20. Februarii, Anno 1597.

David Chyträus, manu
arthritica.

LXI.

S.D: Reverende & clarissime vir, frater carissime:

MUltos annos in hac urbe vixit hic Jacobus Rihelius Argentinensis, qui ad condendum fratri Regiæ Danie juniori hospitium nunc præmittitur. Nolui igitur sine meis literis eum ad te venire, tametsi omnia, quæ scire de hac urbe & vicinia voles, ex ipso cognoscas. Mitto Legatorum Regiæ Poloniæ Orationem in Suecia superiori anno habitam. In qua nunc CAROLUS regis Sigismundi patruus dominatur. An Johannes Georgius Marchio, sponsus sororis Regiæ, adhuc istud commoretur, doceri velim. Bene & feliciter vale. In feriis Pentecostes, Anno 1597.

David Chyträus,
LXII.